



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Brevis Expositio Propositionum Damnatarum**

**Didacus <ab Aragonia>**

**Venetiis, 1728**

Sequuntur Propositiones damnatæ ab eodem Alexandro Papa VII. Feria 5.  
die 18. Martii 1666.

**urn:nbn:de:hbz:466:1-42653**

27. Si liber sit alicujus junioris, & moderni, debet opinio censei probabilis, dum non constet rejectam esse à Sede Apostolica tanquam improbabilem. v. *Opinio.*

28. Populus non peccat, etiamsi absque ulla causa non recipiat legem à Principe promulgatam. v. *Lex.*

Sequuntur Propositiones damnatae  
ab eodem

ALEXANDRO PAPA VII.

*Feria 5. die 18. Martii 1666.*

29 **I**N die jejunii, qui sæpius modicum quid comedit, etsi notabilem quantitatem in fine comederit, non frangit jejunium. v. *Jejunium.*

30. Omnes officiales, qui in Republica corporaliter laborant sunt excusati ab obligatione jejunii, nec debent se certificare, an labor sit compatibilis cum jejunio. *Ibid.*

31. Excusantur absolute à præcepto jejunii omnes illi, qui iter agunt equitando, utcumque iter agant, etiamsi iter necessarium non sit; & etiamsi iter unius diei conficiant. *Ibid.*

32. Non est evidens, quod consuetudo non comedendi ova, & lacticinia in Quadragesima obliget. *Ibid.*

33. Restitutio fructuum ob omissionem horarum suppleri potest per quascumque eleemosynas, quas antea beneficiarius de fructibus sui beneficii fecerit. v. *Beneficiarius.*

34. In die Palmarum recitans Officium Paschale satisfacit præcepto. v. *Horæ Canonicae.*

35. Unico officio potest quis satisfacere

re

re duplici præcepto pro die præcedenti, & crastino. Ibid.

36. Regulares possunt in foro conscientiae uti privilegiis suis, quæ sunt expressè revocata per Conc. Trid. v. Reg. priv.

37. Indulgentiæ concessæ Regularibus, & revocatae à Paulo V. hodie sunt revalidatae. v. Indulgentia.

38. Mandatum Tridentini factum Sacerdoti, sacrificanti ex necessitate cum peccato mortali, confitendi quamprimum, est consilium, non præceptum. v. Communio.

39. Illa particula, *quamprimum* intelligitur, cum Sacerdos suo tempore confitebitur. Ibid.

40. Est probabilis opinio, quæ dicit, esse tantum veniale osculum habitum ob delectationem carnalem, & sensibilem, quæ ex osculo oritur, secluso periculo consensus ulterioris, & pollutionis. v. Osculum.

41. Non est obligandus concubinarius ad ejiciendam concubinam; si hæc nimis utilis esset ad oblectamentum concubinarij, vulgò *Regalo*, dum deficiente illo nimis ægrè ageret vitam, & aliæ epulæ tædio magno concubinarium afficerent, & alia famula nimis difficilè inveniretur. v. Occasio proxima.

42. Licitum est mutuanti aliquid ultra sortem exigere, si se obliget ad non repetendam sortem usque ad certum tempus. v. Usura.

43. Annum legatum pro anima relictum non durat plusquam per decem annos. v. Legatum.

44. Quoad forum conscientiae Reo correcto ejusque contumacia cessante, cessant censuræ. v. Censura,

45. Libri prohibiti, donec expurgentur, possunt retineri, usque dum adhibita diligentia corrigantur. v. Libri pr.

Quibus maturè pensatis, idem Sanctissimus statuit, & decrevit.

**P**redictas propositiones, & unamquamque ipsarum, ut minimum, tanquam scandalosam esse damnandas, & prohibendas, sicut eas damnat, & prohibet, ita ut quicumque illas aut conjunctim, aut divisim docuerit, defenderit, ediderit, aut de eis etiam disputativè, publicè, aut privatim tractaverit, nisi forsan impugnando, ipso facto incidat in excommunicationem, à qua non possit (præterquam in articulo mortis) ab alio quacumque etiam dignitate fulgente, nisi à pro tempore existente Romano Pontifice, absolvi.

Insuper districtè in virtute Sanctæ Obedientiæ, & sub interminatione divini judicii prohibet omnibus Christi fidelibus cujuscumque conditionis, Dignitatis, ac status, etiam speciali, & specialissima nota dignis, ut prædictas propositiones aut aliquam ipsarum ad praxim deducant.

